

三十三冊

卷之三

文獻指掌

林下筆記



00753522

0100

00753522

00753522

00753522

00753522

00753522

00753522

立辰休祿

國用之端

成文經用


列朝兵戶曾封不動

戶曹一年全到惟式

再師魚鹽

諸宮存魚鹽所交

漁戶之術



林下筆記卷之二十三

文獻指掌編目錄十三

壬辰後減祿俸

國用之縮

度支經用

列朝兵戶曹封不動

戶曹一年分劃恒式

舟師魚鹽

諸宮家魚鹽折受

漁箭之論

均廳各道魚鹽船稅數

魚鹽稅弊

銀貨行禮之始

產金山

端川貢銀

戶布之論

良役釐正廳

均役廳節目

良役變通親策

租庸調之制

安興掘浦議

罷海運判官

漕解隻數

定科舉法

科規

增廣之始

先達之稱

式年科之始

探花郎

淡墨榜目

屈膝榜

御筆壯元

商霖雨

崔漢公明鑑

登俊試

壯元賜蓋

三兄弟登科

呼南宸新來

五子登科

為孫賀科

天使知天道策

棄舉業

復賢良科跋

寬時刻

上尊號增廣

非文臣掌試

宗臣赴舉議

科制為入仕之規

諭監試諸生文

仁廟諭孝廟科時教

科舉議

試官家供議

四學二十四巡製

致仕書

經筵廳沿革

史官入叅經筵

隆冬盛暑停講之始

抄選經筵官之始

置特進官之始

知理學宰臣

宰臣領經筵

父子講官

筵中論家禮

內閣藏書之規

摛文院講義序

校書館記

字瑞記

文衡

傳心硯記

衡園故事

年少文衡

大臣兼文衡

大臣文衡主圈

文衡及提學座次相妨

破格授文衡議

知申兼文衡

薦文衡疏

國舅兼文衡

前望拜文衡之始

資憲仍帶副學

亞卿文衡賜謚之始

宣醞玉堂

玉署銀杯

翰苑題名錄

藝文應教

翰苑古風

史官薦

宰臣書卒

史臣作閒任

史草專委下官

史官別兼春秋

史筆他人不敢用

大公史筆

勤守古風

林下筆記卷之二十三

月城李裕元景春輯

文獻指掌編

壬辰後減祿俸

壬辰倭亂以後國用不足減百官祿俸各品皆無細
布楮貨李恒福五判兵曹時大賊充斥天兵水陸湊
集事關軍旅者靡不歸之本兵而恒備羨餘布萬疋
以待急時之用體察使柳成龍啓曰賊退後戶曹急
宜參量一年經費之數撙節贏縮定其民間所出之
物又分列邑縣散稍完處或仍舊或半減或全減使

朝廷惠澤得以下究臣意極擇有心計幹辦之人為堂上郎廳勿拘常規以重經費之任幸甚

國用之縮

李恒福奏曰國初稅入四十餘萬石而軍士廩料四萬餘石祭享所用四萬餘石貢物亦不過此頒祿之制刑曹都官正郎之祿四十五石中廟朝三倉舊儲二百三萬石壬辰之初舊儲五十餘萬石已縮三分之一即今人口則比平時僅十分之一田結則不及平時全羅一道矣李粹光曰軍資監平時有三十萬石故癸巳倭賊退去後尚餘四五萬石以助軍餉以

賑飢民今倉穀不滿萬石既有緩急何以濟之夫國
無六年之畜古人猶以為急况無一年之食乎是故
均田節用乃生財之大道也光海時經費日廣既以
賣官贖刑而猶不足內而官禁外而戚里大開賂門
廣占田園舉稱宮庄免稅曰昭媛陣尚宮陣奉房陣
者邑邑相望各司防納之徒皆持內旨及權門閹節
橫行列邑渙奪民產庄陽之名之以陣古未嘗有也
肅宗二十年命裁減諸宮家京各司諸般身後自本
衙門及兵曹給代備邊司啓訓鍊都監御營廳禁衛
營守禦廳戶兵曹則各其本衙門稍有贏餘故自本

衙門充數內司以下諸官家則裁減之數折半還償
已為稟定矣諸處還報數以綿布計之則當為三萬
三千五百五十疋而諸衙門遺儲中綿布見存之數
無多以兵曹所在銀子計價則當為二萬七百七十
一兩請令兵曹及各其裁減衙門使之照數與受從
之

度支經用

閔鎮遠曰地部一年所入若過十萬石可以支用一
年未滿十萬石則用度大窘近年以來連值凶歉國
家吉凶大禮稠疊江都北漢所儲軍餉及賑廳積年

拮据之穀為地部所取去蕩然無餘內用物種若有
大同事目中所無者則例為責出於市民以此貢物
人及市民無不倒懸且宮人官寺掖隸祖宗朝皆有
定額今則比大典額數不啻倍蓰宮人近千宦者至
累百掖隸亦多增額凡宮女一人一年糧費饌物衣
履貢物價米用下之數通惠廳地部而計之則殆過
百石一人費米百石則十人為千石百人為萬石近
千宮人當費幾萬石宦官掖隸之費雖不及於宮人
而皆受厚廩且給衣資數多則費煩其勢然也為今
之計若非大更張大振作必將民窮財竭然則如之

何而可曰貢物一種元定之數每朔以進排用下之數入啓自上考覓俾無加用之弊或有加用之命則該廳入啓爭執事永為定式戶兵曹逐朔用下之米布比準於數十年前文書近來加出者之不繫名目皆永除之舊各殿貢物之仍存者皆除之宮人宦官掖隸一依大典額數而額外皆減之米布錢量定其數以備內間別用及不虞之需而土田魚鹽柴場折受處計其一年應入使之僅足於一年應下之數其外皆革罷之每朔以所捧所下之數作為文書廟堂考覓若有定式外過濫之事則罪其次知內官如是

廢通則官府財用自富有裕而治平之道可庶幾也

列朝兵戶曹封不動

孝宗朝乙未兵曹封不動綿布三萬六千六百五十
匹銀一千三百六十六兩顯宗朝辛亥封不動綿布
二萬四千四百五十匹銀八千八百十三兩肅宗朝
庚子封不動綿布五萬五千匹內一萬匹移置江都
銀一萬五千六百三十五兩景宗壬寅封不動綿布
五萬五千匹錢一萬兩銀一萬九千三十兩英宗朝
己丑封不動綿布五萬一千九百五十匹內二千五
百匹移置南漢錢十二萬二千兩銀十一萬兩正宗

朝丁未封不動綿布二萬八千二百五十匹錢六萬
九千兩銀十萬七千一百二十兩又地木九千匹下
地木一萬八千匹天銀一千七百兩地銀一萬五千
兩錢七萬兩戶曹舊無封不動自顯宗壬子為始綿
布封不動二萬五千匹今則為七萬九千五百匹銀
則自肅宗壬申為始封不動十七萬兩今則為四萬
六千七百兩錢則自英宗己酉為始封不動五萬兩
今則為六萬兩

戶曹一年分劃恒式

廣興倉為百官實職軍職領祿一年米一萬九千二

百石大豆一萬八百石劃送內司年例輸送米一千二百七十八石大豆七十七石軍資監為雜職散料及各衙門將校員役料一年米二萬四千石大豆一萬三千二百石田米一千八百石劃送內司年例輸送米一千七百八十石別營為訓局將官以下軍兵放料馬料大豆及訓局兼司僕加料一年米四萬一千三百四十石大豆九千七百石田米二百五十六石劃送別庫為各衙門員役散料及兩西貢物元貢不足別貿易價一年米一萬六千八百四十石大豆三千四百四十石田米二千二百四十一石劃送豐

儲倉為內官領祿及年例賜米一年米四千五百五
十三石大豆一千四百四十石劃送養賢庫為居館
儒生供饋一年米九百七十二石大豆二百九十七
石劃送典牲署為留養祭享犧牲料一年米一百八
十石大豆一千七百十六石劃送司僕寺為留養馬
料一年大豆二千七十六石田米五百十三石劃送
並一年應下米十一萬一百四十三石大豆四萬二
千七百四十六石田米四千八百十石每年分劃時
考各倉遺在或有加減別下不在此限錢綿布應下
臨時推移無恒式

舟師魚鹽

賊平後以李恆福兼舟師大將美舟艦資魚鹽以息之備綿布三萬疋輸之度支特諸宮家新歸城中無以資賴戶曹請權給各處魚鹽之場上從之諸宮家折受漁箭鹽盆始此

諸宮家魚鹽折受

仁祖四年兩司請罷諸宮家魚鹽折受之稅事下戶曹戶曹覆奏各司折受通為二千九百餘結而揆以法典雖賜與折受給民耕作收其一半而不得免稅請依臺論施行從之

漁箭之論

柳馨遠曰今船人所漁之海皆有徵歛謂之魚塲水
移捕石首魚則納石首魚稅捕青魚則納青魚稅以
至民魚真魚蘓魚蝦蟹凡有指為苟有其處所者逐
色徵納或定監官欽取於海中或給塲表定浦直收
之今石首魚稅大船六同每一千尾為一同其中有
御供一同必四五倍以入故至於十餘同又有卯鹽
四斗又有人情布四五十疋青魚稅大船十八同每
二千尾為一同諸處攘取故至於四十餘同其餘魚
稅或以本色或以綿布雖多寡難定一次所納不下

常布數同而每次如是船人輩盡納無餘或稱貸以
益之夫澤梁無禁古之義也既有身役又有船稅而
又從而征其所漁之海是豈為民上之道哉至於商
船所過所泊處補以地稅而率有徵納船戶觸處不
堪其苦

均廳各道魚鹽船稅數

慶尚道魚鹽船稅錢二萬七千四百兩零全羅道魚
鹽船稅錢四萬二千九百兩零忠清道魚鹽船稅錢
一萬一千六百兩零京畿道魚鹽船稅錢六千一百兩
零黃海道魚鹽船稅錢一萬五百兩零平安道魚鹽

船稅錢五千兩零咸鏡道魚鹽船稅錢五千五百兩
零江原道魚鹽船稅錢五千三百兩零

魚鹽稅弊

景宗三年李光佐進啓曰海邊三民尤為慘怛蓋自
三南至兩西海邊間間有捉魚之所漁船商船聚集
則本官既徵稅監營又徵稅統水防營又徵稅諸官
家各衙門又以折受徵稅一船稅魚至近數十同或
十餘同此已無據之甚而其船載得餘魚而歸則凡
所留泊之處皆為徵稅諸官家各衙門聞見海路要
害漢商船不得不過之處入啓折受扼其要路各為

徵稅處處要路當費幾何且折受一漁所則不但其地漁稅而已過去般隻又皆憑藉徵稅以猶不足監營統水營之屬募送軍官或稱真種魚監官或稱無烙摘奸此等名目不可勝計遍行海邊毋論要路與否載魚多少輒徵錢輕舸小網無一得脫椎髓刮骨無所不至以魚所言之青魚如是石魚如是真雜魚又如是以過稅言之嶺南如是湖南如是湖西兩西又如是京江又如是窮民捨漁採無以為生欲為之則剝割又如是真所謂求生不得求死不得者也此弊不革則沿海數千里生民決無支活之勢不可不

痛加改革今復嚴立科條一處捉魚所收稅之數通
計各官房衙門營門屯邑所收比前直為半減而各
處要路收稅則勿論某衙門本船案付衙門一番收
稅給官成帖文後雖行千里更無得徵稅益益漢箭
亦只為棄付處存邑收稅事定為金石之典官吏或
犯之則毋論大小官並罷職如或有量徵之虞則船
人即告地方官捉囚差人報巡使刑推定配船人入
告而地方官不為舉行者隨現罷黜事一經永為定
式事十分申飭施行何如從之

銀貨行禮之始

壬辰亂後奏請之行朝議每欲以銀貨行禮唐城君
洪純彥輒執不可曰一次奏請之未準請其害猶淺
而此路一開則中朝之人視我為利窟操切需索有
不可言未久朝議果以銀貨行賂而使命之誅求差
官之力證日轉月甚果如純彥之言申欽曰我東方
多銀礦故麗末被中國需索我朝初年敷奏得免上
貢上貢既免則不可用之為國貨故列聖遵守遂開
採銀之路著之令甲至於舌官赴京如有私齎渡江
者罪至於誅迨二百年至壬辰倭警中國以銀領賜
我國軍糧軍賞亦皆用銀以此銀貨大行至于今日

度支經費上國奏請詔使接待尤為浩穰而銀價翔
貴閭閻殖貨子母者仍以牟大利朝廷上墨吏相
賄舍此無由官爵除拜刑獄宥免俱以是為紹介可
見世變之易流而難遏也

產金山

李晦光曰東坡志林曰地不產草木者多產金石珠
玉嘗聞李鰲城云隨天將赴嶺南時道傍有山赭禿
無草木有一唐人指示而言曰此產金處也爾國何
不發採耶

端川貢銀

孝宗二年始令收稅銀店戶曹啓端川銀穴已過二
百年其功役之費亦不下於銀價而至今不採者以
價買銀則銀有盡而價日增終必有倍於採銀功役
自古以來有採銀之事而無買銀之國也我國物力
不足徭役甚重每以國力採之則亦多勞費矣今採
銀官得穴開鑿然後募民許給使之輸稅多少量宜
定數則官不費力稅入自多坡州之銀地近而品好
封為官採其他交河谷山春山公山等地產銀處採
銀官皆已知之使往察開穴令民收稅採用則富商
大賈必有樂趨者矣上從之

戶布之論

南九萬曰戶布之行尤有難者即今隣族之受困誠是仁政之所不忍也其來久矣聞之者當之者皆習於耳目亦不以爲大駭至於戶布則從前舉國補以兩班而閑遊者其麁不億一朝皆欲收布則警駭騷然必將生出大變又曰戶布丁錢豈非救時之急務此非但爲救時凡有國之取民粟米出於田麻絲出於民以田民之所出聚以爲宗廟百官軍國之需軍兵則別爲贍養以爲扞禦之用自是常制而我國則必充定軍額然後乃有收捧而落漏軍額者終身逸

遊國所以削弱民所以怨苦皆由以

良役釐正廳

肅宗三十四年閔鎮遠疏曰我國所謂身役名色不
億而輕重不一苦歎懸殊有納三疋者有納二疋者
有納一疋者而所納之布或七八升或六升或五升
民之避苦投歎其勢固然釐正廳之設蓋欲均一民
役以革此弊也設廳之後以一人身後六升木四十
尺者二疋為限過此者降之下此者陞之各據名色
或陞或降皆以六升四十尺者二疋為準之意頒布
中外矣今此水軍一款若令一依舊例即五升布三

十尺也國中應役之民皆出六升四十尺之木而水軍獨減其升尺此其不均一也所謂并末保者元軍兩人并得一保而或稱并保或稱末保或稱合得保者也臣曾按湖南詳聞或有并保者或有無并保者有並保之元軍納二疋無並保之元軍納三疋而無並保者其數甚多聞嶺南則無並保者甚少而亦或有之云有並保納二疋之元軍其役太歇無並保納三疋之元軍其役太重此其不均二也此與當初設廳均役之意豈不太相反耶臣意則水軍納布宜與他役一體以六升木四十尺者二疋為準而給代

亦以每名二疋為式並未保還給本營鎮之後改其
名色稱以餘軍以其所納之布謂之餘軍布凡各營
鎮各項需用戰艦及器械所入皆以此布用下則可
無不均之歎而不違於舊制之大體四十五年景宗
代理時李健命劄曰我國良役之弊實古今天下之
所未聞而百年之間邦本將殲此弊不祛則雖堯舜
在上卑夔稷契布列朝廷無救於亂亡之勢一丁二
五其役甚重而一家三四丁俱不得免昔之富戶今
皆殘敗或至數十家之村便成丘墟此皆道路耳目
之所共見聞者也粵自仁孝兩朝以來廟堂訏謨之

臣與夫識務談世之士其說甚多其策不一如儒布
戶布口錢遊布結布之法皆莫非救時之術也今此
數者皆紙上說去而已實未嘗下手做得故朝議紛
紛未有一定之計倘邸下爲議大志以革罷安民爲
今日第一急務則亟宜先令京外抄出一年徵布之
數各邑戶口田結之多寡裁量較掣取其不拂於民
情而不損於往用者斷然行之有何顧忌哉今廟堂
商確講定英宗朝鄭澔疏曰良役變通之論略有數
端曰戶布也遊布也結布也口錢也原其本意則皆
爲良民之偏苦而用此均役也然其中不能無設施

之難便而得失之可言者以戶而收布稍為近古而戶大小之不等必多般數虛實相蒙之弊有不勝其紛擾其此難也遊布即今備局行會之所由來而臣略陳於前吳結布則專是傷農之術決不可行也獨口錢之法畧倣乎唐之庸法以見成之帳籍計口而收不至於太擾而又其所收不至太重又自公卿家子弟無官職以下至於民庶公私無不均徵則惟彼閑遊之輩雖甚強暴其何說而歸怨思亂哉趙顯命疏曰田結之役烟戶之欵宜有一定之規而通一國而道各不同通一道而邑各不同或以結役責之於

戶或以戶役責之於結或此邑行之而彼邑不行或
山邑如此而野邑如彼要皆別穿孔穴巧作名色征
歛無藝為弊孔醕必自廟堂一番行會收捧成冊量
定條目使之稟遵犯科者論以贓律則橫暴之歛息
矣二十三年以全羅監司趙榮魯上疏批曰噫良役
非今斯今也頃年釐正廳欲減半延其減也何必半
乎云黃口登丁隣徵族徵甚至有三父子五父子應
役者非男丁而代充者尚不產而成冊者一家之內
小不下十餘延不禁此弊不擇守令而只減其延昔
之為十者今雖減矣日久歲遠幾不復為過十乎若

此不已復又減半疋又何減幾疋其將復一疋之後
又將以復二疋之後此等之時乃是加賦也自此以
後減一疋之議索然而消擇守令而勤儉丁昔之徵
十疋者今反為只徵二疋則豈比於隨夫立的團土
塞流之功乎減疋之政即目前之惠也均役之政即
萬民之惠也于今之弊守令之過也

均役廳節目

命諸臣筭計所減之數講究給代之策趙顯命金若
魯鄭羽良請設廳名以均役三公句管以申晚金尚
魯金尚星趙榮國洪啓禧差堂上齊會講確均役廳

節目一設廳以舊守禦廳名為均役廳為蓄儲充給之地二結米西北兩道外就六道田結每結收米二斗或錢五錢定式三餘結關北外七道報餘結之數總為二萬餘結自庚午條納稅于本廳以報良布減半之數四海稅諸道魚鹽之稅均役使及監司分定之五軍官良民之投入校生將官者別作軍官收布以充減正之數六移劃減正之後惠廳儲置米及海西詳定米合一萬石以新儲置移劃本廳以給減正之代七減革軍門及該司舊制若干變通外方營邑鎮各樣名色隨宜減省以給減正之代八給代之數

列為定式使之逐年按例舉行凡需用存廳米本給代之外不得一毫他用故即官則以有實職人來兼吏隸亦帶本料移差十會錄一年給代之餘數令各道捧苗歲末開列報廳以為備凶荒之資

良役變通親策

英宗二十七年六月上御明政殿試文臣製述以良役變通親策而問之又招問蔭武特減月令進上以其價未補給代之用御明政門以估錢便否俯詢於儒生庶民及鄉軍鄉吏言便者多言不便者少下教曰二次臨門一次臨殿減布之政雖行其於均役尚

不了當此豈體昔年為民減正之意哉今又再次臨
殿一次臨門慨然之意大臣諸臣既承下教而近來
益懈惟使其君憧憧于心推諸一人袖手傍觀雖由
於予之誠淺諸臣亦豈無飭兵判外均堂並越俸一
等自今日堂上即廳直宿備局講究其事登對以稟

租庸調之制

史臣曰我國租庸調之制猶未詳備土地貢賦稅之
外無他財用放番收布以資養兵者其來蓋久而各
衙門之巧為名色稱以良軍收布二正遂作徑用名
色滋繁日益濫觴良役收布在肅廟初年猶為三十

萬正至于當宁中年為五十萬正西北外六道應良
役之民不過為十餘萬戶以十餘萬戶應五十萬正
之役我聖上體先朝之德意軫黎元之困窮垂涕臨
門廣詢中外亟下良役減一正之教內而各衙門外
而各營鎮減省之數為二十餘萬正而軍需之不可
不給代者尚為二十餘萬正故多般講確設廳均役
就六道田結每一結收米二斗或錢五十文又以魚
鹽船稅選武軍官兩收隱餘結所捧充其不足之數
此實出恤民若恫之至意而亦是國計之肯綮經費
之關鍵與貢業之變為大同實相表裏不可不詳記

其顛末故別以均役為目附之於國用之篇云

安興掘浦議

顯_浦一年溫行時以三南稅船數敗於安興有恭安掘_浦之議李慶徽疏陳其不可曰此路一開利於漕運是一說也地勢不順終必無成亦一說也昔申叔舟始役未成而罷金瑄建議設倉而還止設倉猶不可況掘浦乎古語曰興一利不如除一害生一事不如減一事興作而有利猶不可輕為況可不詳利害輕舉大衆徼祖宗未就之功乎事遂寢

罷海運判官

肅宗三十三年革罷判官以漕軍等責應難支全羅
忠清兩道都事例兼判官丘債及各項費用責徵於
漕卒者一併罷之英宗壬午貢津倉漕船牙山縣監
領納事定式後忠清都事海運兼帶權減

漕船隻數

忠清道貢津倉即西倉漕船十五隻載田稅位米及
大豆屬牙山燕岐木川天安溫陽全義清州牙山縣
監領納全羅道法聖倉漕船二十六隻載田稅位米
及大豆屬光州潭陽淳昌玉果高敞和順谷城長城
同福井邑昌平法聖倉使領納羣山倉漕船十八隻

載田稅位米及大豆屬全州鎮安長水恭仁金溝任
實羣山僉使領納聖堂倉漕艇十二隻載田稅位米
及大豆屬高山琺山雲峯龍潭益山錦山南原羣山
僉使同為領納每艇沙工一名格軍十二名三番合
漕卒四十名慶尚道昌原左漕倉是為馬山倉載田
稅大同漕艇二十五隻屬昌原咸安金海恭原熊川
鎮海宜寧巨濟固城東南面龜山僉使領納晉州右
漕倉是為駕山倉載田稅大同漕艇二十五隻屬晉
州昆陽河東南海丹城泗川固城西面赤梁僉使
領納密陽後漕倉是為三浪倉載田稅大同漕艇十

五隻屬密陽梁山玄風昌寧靈山薺浦萬戶領納每
般沙工一名格軍十五名漕保三十二名

定科舉法

太祖曰文武兩科不可偏廢國學鄉校增置生徒敦
加講勸養育人才其科舉之法本以為國取人補座
主門生以公舉為私恩甚非法意今後內而成均正
錄所外而按薦使擇其經明行修者開具年貫三代
及所通經書登于成均館長貳所試講四書五經通
鑑以上以其通經多少見理精粗第其高下為第一
場入格者送于禮曹試表章古賦為中場試策問為

終場通三場入格者三十三人送于吏曹量才擢用

科規

徐居正曰國朝科舉之法糊名卷子與高麗同而餘皆不同其收卷官封彌官枝同官易書等事皆遵元制而頭場始於世宗朝或講經或製述隨時不同

增廣之始

太宗元年以卽祚稱慶設增廣試只舉生貢試

先達之稱

曹仲曰今人稱及第為先達未知自何時而然柳泰齋方善酬趙壯元瑞康詩曰憶昔同遊在兩京君為

後進我先生如何今日還先達却使先生仰盛名

式年科之始

世宗二十年始置生進兩頭場漢城府南學分所設
場以古賦十韻詩行初會試上御勤政殿放榜給白
牌

探花郎

徐居正曰古者文科殿試第三謂之探花郎摠受帽
花于御前分挿諸新恩

淡墨榜目

金宗直送金宏弼赴舉詩曰洗眼行看澹墨題古例

榜目以淡墨題之如有造化之迹云

屈膝榜

李石亨作箋其頭聯曰天佑作之君聖人膺千齡之運地用莫如馬神物效一時之能以示成三問三問詔曰以馬對君不可石亨遂改之三問取用其句居魁石亨以榜下拜三問曰此膝不可屈人久矣三問笑曰吾能屈不屈之膝何如

御筆壯元

文宗即位初設秋場以權掣擬第四榜既出上曰掣居幾左右曰第四上令左右進諸試卷讀至第四曰

此誠壯元也以御筆書第一跽父子壯元皆御賜也
元年命增廣會試分兩所試取殿試講經四書取一
書御恩政殿親策

商霖雨

許琮登第三甲時旱甚朝野望雨唱名之日唱一甲
方畢忽雨作縉紳目為商霖雨

崔漢公明鑑

崔漢公與金宗直同赴會試漢公曰君才高必占巍
科吾無附驥之望宗直曰昔孫僅與弟何同試兄為
榜頭弟次之吾二人安知不為僅何因賦一絕云池

塘春草雨痕多人道吾行是僅何莫恨秋門春色晚
滿城桃李未開花是歲果皆登第

登俊試

世祖朝聚公卿宰輔下至流品文官於闕內親製策
題名曰登俊試教曰有志科舉者雖宗親駙馬皆為
赴試卿等自恃官高祿厚不復留意於學問文風不
振職此之由予發此試使卿等更礪舊業耳自願製
述人對之右叅贊金礦收卷對者凡三十餘人上御
康寧殿命鄭麟趾鄭昌孫申叔舟等為讀卷官取金
守溫等永順君溥中第五名上甚喜命取試卷親覽

深加褒美賜御衣一領及應榜百官陳賀賜恩榮宴
于議政府命申澍宣醞壯元以下賜紅牌鞍馬仍留
押宴又命諸考官進叅金守溫等上箋謝恩上召見
于內殿曰古有座主門生之誦是科予當為恩門宜
誦是殿曰恩政殿越數日兩殿坐恩政殿諸人獻爵
一如門生座主之禮寵榮備至焉

壯元賜蓋

徐居正曰故事文科唱榜日賜紅牌及花酒文武科
一等三人別賜皂蓋世祖朝文科賜蓋武科賜旗遊
街之日癡兒愚婦皆辨其為武科武班不悅至是更

命賜蓋

三兄弟登科

尹根壽曰金駟孫嘗赴別舉兩兄駿孫驥孫以駟孫之借手與駟孫皆中初試及殿試之日駟孫代製兩兄之策而已則不製蓋欲以壯元讓其兄而已欲為後科壯元也兩兄俱登第而驥孫則第一後榜殿試考官心知駟孫之作而惡其人抑置第二

呼南衮新來

尹根壽曰南衮登第唱榜之日曉詣光化門外忽有一先生到紅戟堦前呼南衮趨往則語衮曰爾以不

得壯元為憾耶中朝則蘓東坡我國則余皆為第二
名汝可以此自慰也暗中不識誰某使從人問知乃
金駟孫云

五子登科

中宗十一年命以五子登科例遣官致祭于李宜茂
墓宜茂有五子菴苓登武科芭荇芄登文科

為孫賀科

中宗三十三年謁聖試士出禮曹請撰東國名臣言
行錄箋鄭惟吉與李洪男為友婿同赴試洪男以學
而思思而學言顧行行顧言為頭聯以示之惟吉佯

曰此極賤人誰不為洪男遂改之惟吉乃用其句為
壯元洪男為副一時稱為好事榜出上遣中使馳諭
于其祖文翼公光弼曰卿之孫為壯元為國家嘉又
為卿賀也仍賜宴需及一等樂以助歡

天使知天道策

李珣並魁生負初會試文科又魁初會殿三試一年
之內九魁試製人稱九度壯元後以遠接使領天使
天使問舌人曰這遠接使有山林氣像無乃借山林
之士為是任耶對曰遠接使以壯元及第位躋崇品
非山林士也天使曰是做天道策者耶初對策時問

者皆至珥謂曰宋翼弼高明博洽宜就而問之於是
舉場奔波翼弼左酬右應愈叩而愈無窮舉子轉相
傳錄不但為取應之具也

棄舉業

鄭述赴會試不入禮闈而歸舉尹和靖故事稟子母
夫人母夫人曰汝欲行古人事且從所好述自是遂
棄科業

復賢良科跋

盧守慎薦科榜目跋曰嗚呼削科非先王意也昔我
中宗大王謂為國在得人顧其進之也必本於詞章

訓詁雖賢且能者自有限拘無所於實用乃倣漢遺
制令大衙門暨八路各薦有學行者得一百有二十
策取大庭數應列宿盡一時彬彬聞人於是士振氣
於朝民拭目於野矣嗚呼一科罷復豈非斯文之一
大機會歟

寬時刻

宣祖十三年別試時試限已過而舉人黃赫猶未呈
卷考官啓以黃赫未及呈卷而試限已盡請稍寬時
刻俾令盡才上允之榜出赫果為壯元

上尊號增廣

宣祖二十三年上尊諡稱慶設增廣金時讓曰國初舊例只於卽位元年稱慶設增廣故成宗朝追崇德宗不設也宣祖朝己丑改宗系告廟大赦議與開國同慶設之庚寅冊平難功上尊諡時議與卽位同慶

非文臣掌試

宣祖二十七年別試鄭述以禮房承旨為殿試試官非文臣而掌試實國朝所罕有也

宗臣赴舉議

宗臣文城君健等上疏請赴舉不許

科制為入仕之規

李珣曰科制雖非志士所汲汲亦近世入仕之通規
如觀國之光不免應舉則亦當以誠心做切勿浪過
時月但不可以得失喪其所守且常懷立身行道忠
君報國之念不可苟求溫飽而已苟能志道不怠日
用無非循理則科業亦日用間一事耳何害於實切
今人每患奪志者不免以得失動念故也且近日士
子通病不務讀書自謂志慕道學不屑科業而悠悠
度日而無所成者多矣最為可戒

諭監試諸生文

鄭經世諭監試諸生文曰國家設科之制以四書疑

五經義取生負者蓋以經術養士也常時不曾致力故及到場屋茫然不知所以措辭不得已竊取他人之作以為僥倖之計一人作之百人傳之有司又不得已而取其中以足其額數嗚乎此豈設科取士之本意耶有司方欲痛革此習無論主客雷同盡行抹去無論工拙自作者則取之額數不滿則取之於經義諸生有能通經義者以義為主篇又不須簷頭破題求合舊樣但將題意討論敷繹亦佳切勿因循弊習但患業之不精毋患有司之不明

仁廟諭孝廟科時教

仁廟嘗與孝廟論難國事評品朝臣孝廟舉一朝臣
姓名曰此人何如仁祖曰其吏能文才人雖難及予
嘗謁文廟試士見其有容私之狀透露於外君前如
此則外處可知宣廟嘗有言曰人主欲知臣僚之善
惡則必先察於試士之時旨哉斯教予自見是事之
後雖外假顏色而待之中心則終不能忘且憂其前
頭之為惡漸大矣雖有諸葛之才終非信臣則將焉
用之哉其後孝廟嘗以此語顯廟

科舉議

仁祖祔廟慶科時相臣金堉議曰科舉頻數非但為

國家之巨弊亦妨於士子之工夫曾聞明朝三年大
比之外無他別科有慶事則加數於大科之額此豈
以慶事為輕哉蓋以科舉頻數有妨於士子之做工
而貽弊於外方之民也我國有慶事則例有增廣而
宣祖大王祔太廟時又合他慶為六百館試此可援
以為例者也若以四慶為增廣則今之七慶一增廣
亦不足何可例數慶事而為科舉之式乎大舉別試
廣取人才此則同慶於外方也今年秋設式年會試
又於八道各設東堂監試之場則非但民力之為勞
所費亦甚不貲秋間況有客使之來則以今之時勢

物力豈可不念及於此哉近來士子不能着實做工而徒以科舉之頻為倖占之計業不專一而心亦歧分文章之盛士習之正漸不及於古識者之論皆以為設科之頻為之害也

試官家供議

仁祖時以敕使入京獻試官家供議曰試官家供極其苟簡而且有防禁不嚴之弊似不可為也但今時則適與敕行入京之日相值各司物力決不可奔走支撐該管兩曹之啓請蓋出於不得已也且家供之事非創於丁丑之後宣祖朝壬癸亂後亦有此事幾

至十餘年非獨丁丑後為然也今番則姑行權宜後勿更為似或得中

四學二十四巡製

孝宗十年宋浚吉劄請罷四學二十四巡製述之規而只依程子改試為課之義每四時合一巡聚學生取講誦者十人又取製述者五人通四時各學講誦者合四十人製述者合二十人歲末館官與學官合坐於太學會四學所選者合講取十六人合製取八人許赴生進會試申明小學考講照訖之規必須前期一朔開講而四冊中抽籤臨講講問文義取其通

晚者許赴生進初試從之

致仕書

南九萬與崔錫鼎書曰古之致仕伊尹曰告老歸私
周公曰明農哉必無既致仕而仍在朝之理漢唐以
下亦未聞有在朝之例我國奉朝賀之規蓋國家不
欲一時退斥老臣有此委曲作法縻祿許留之事國
家德意可謂至厚至渥然人臣自處之道旣以筋力
不堪任職致仕而又食祿供職無論閑緊豈非無義
之甚者耶

經筵廳沿革

定宗元年置集賢殿令文臣更日會講初高麗仁宗
改延英殿為集賢殿選置文學之士國初有其名而
無其實至是大司憲趙璞請多置文籍令文臣之帶
館閣者更日而會論經義備顧問上從之以趙浚權
仲和趙璞權近為提調官文官五品以下充校理七
品以下充說書正字改集賢殿為寶文閣

史官入叅經筵

始令史官入侍經筵門下府上疏曰史官之職凡人
主言動時政得失直書不諱所以備觀省而垂勸戒
也前朝之末荒唐無度悼史官直書使不得近宜鑑

前失令史官日侍左右記言動時政以為萬世弘規
上從之

隆冬盛暑停講之始

命隆冬盛暑外日御經筵謂筵臣曰經筵所以接賢
士大夫講論治道非但為講讀而已近日經筵官無
有進言者得無懼予而然乎言雖不中予不加罪也

抄選經筵官之始

抄選經筵官成俛等只置六人常引入卧内講論經
史時人榮之

置特進官之始

成宗二年命於經筵置特進官以三品以上備三望
差除十二年復命特進官並抄文陰武二品以上無
定額使玉堂長官抄啓而非曾經政府六曹漢城府
者勿抄

知理學宰臣

上教于政院曰知理學宰臣書以啓予將依前日論
難於是政院以左議政尹弼商右議政洪應宣城君
盧思慎領中樞李克培領敦寧尹壕達城君徐居正
陽川君許琮禮曹判書李坡工曹判書孫舜孝咸從
君魚世謙知成均館事李克基啓焉上復御宣政殿

設酌教曰前日講說聽之甚嘉故復設此筵也仍開
講弼商曰請臣等問之坡舜孝世謙克基對之遂講
大學又講心經又講中庸又以理學先後出入經史
縱橫問難又問天地度数漏刻置閏河洛律呂等事
以及歷代治難之迹時寓規諷舜孝多勉戒之言上
聽之疊疊賜紫緞帖裡以賞之時夜將闌諸臣恐勞
上體請退上曰古人云接賢士大夫之時多則氣質
變化自然而成予今日與卿等講論得聞所未聞裨
益弘多不為倦復命講詩仍及廟謨而罷諸臣皆扶
醉而歸

宰臣領經筵

政院啓言領經筵考諸大典以三公為之而中宗朝亦有以正一品差出之例請以林百齡為領經筵上可之李晬光曰相臣沈連源尚震以申光漢立朝最久年高有學而久在從一品請陞秩除領經筵於是特陞正一品今則時任議政外不得兼帶領經筵非舊例也

父子講官

洪彥弼以領經筵進講子暹以知經筵同入講筵時甚榮之宣祖朝宋麟壽以特進官詣經筵其子應漑

以玉堂應洞以注書同入侍講時甚榮之

筵中論家禮

鄭澈嘗偶與金長生相會商確家禮中疑禮數三條翌日以儒臣入直適值召對上出家禮命諸臣論難仍下教曰予觀古今書多矣未有若此之難解者爾等其詳辨以奏諸臣莫敢開口澈以昨日所受於長生者逐條敷奏上大加稱賞賜與優渥罷對澈直往長生家叩謝曰今日筵中以昨日所受於君者仰對大獲天褒欲以昨終師受之意首實而慙德未果而退今茲賞賚實君之所當受也相與大噓而罷

內閣藏書之規

藏書之法柱下東觀無論已唐宋明之初皆以此為
先務者以書籍係世道升降也本閣藏書蓋取宋朝
太清樓皇明文淵閣之遺制因御製奉安之地置書
籍尊閣之所或購求新書或翻刻善文而外間及諸
道私刊之書亦令外閣官該道臣隨其剗剗剗即印
送摛文院華本則藏之皆有窩東本則藏之西庫

摛文院講義序

徐命膺摛文院講義序略曰我聖上卽阼之初首建
奎章閣置閣臣六人其職則奉宸藻典圖書也其事

則備論思詠菁莪也閣臣乃令工畫者為圖為屏屬
命膺序之曰古之聖帝明王為生民立極必以儒道
為先務者豈故為觀美而然哉識以儒道明天理擴
仁義播為禮樂刑政上下與天地同流也是故漢立
石渠蘭臺集諸儒討論而鴻儒輩出唐置弘文秘書
選學士咨訪而文風丕振宋建崇文龍圖揀通儒典
守以時臨幸講說而繼往開來之賢於是彬彬相望
夫以漢唐宋中主一或偶合於治道其效乃如此况
以濬哲之聖明睿之智撫熙運而行實政乎

李承召記曰署名古稱秘書監或稱校書館稱簿雖不同所職則專以雕印典籍以廣布于中外國初初置以藏四書五經與諸史子集板刻我世宗朝大明皇帝欽賜新撰四書五經大全及性理大全等書上命慶尚全羅兩道錄諸梓輸于本館

字瑞記

徐命膺撰字記曰天將以大統付畀帝王必假器物以爲之符瑞故天球大貝赤刀之屬是固無與於實用而古先帝王藏之甚謹守之甚嚴朝會大禮必列于陛庭至於九鼎之不能饘粥者石鼓之不能響節

者亦必安于廟學以為傳國之寶甚或以二寶之得失覘其國運之隆替是與儒家衣履之傳其事則一而其義較大也若我國世宗朝所鑄活字其殆傳世之符瑞乎瓊球琳琅箇均整以其摹印書策則不知為幾百萬卷以其陶甄才智則不知為幾千百人而屢經兵燹終不泯滅以與國家相終始其視九鼎石鼓雖有大小輕重若乃闡發妙用神化無迹又九鼎石鼓所不能而彼天球大貝赤刀各適一器之用者其不足比方也審矣顧以傳世之久典守者不能謹藏所遺失十而八九我聖上自在春宮慨然於此

壬辰年間令賓客臣命膺搜出世宗朝已經範鎔之本本三萬餘字叅其有無補鑄十五萬字更名以字瑞

文衡

按國朝館閣藝文館為本而成均館實主教養之任故以藝文兼長國子然後方補典文衡其後以官聯座次之妨礙罷兼大成之規以知館事代之許說洪詩俱似矣而卞季良之前太宗壬午權近以藝文大提學兼大司成朴忠元之前明宗丙寅李滉亦典文衡而不入於洪詩李滉則以未行公為解而多年主

文之權近獨不載錄是未可知也成宗十年以藝文館大提學徐居正兼弘文館大提學先是國初只有藝文館大提學至世宗朝始設集賢殿大提學而殿館不得相兼常有兩大提學焉至是難其人使居正兼之十三年特陞李荇嘉善拜大提學宣祖朝李德馨仁祖朝李植鄭弘溟孝宗朝趙錫胤肅宗朝李端夏宋相琦皆以通政陞秩典文衡

傳心硯記

張維曰大提學有主文硯遞相傳授以擬禪家衣鉢按魚叔權所記玉堂舊有大石研常藏于藏書閣每

值大提學入玉堂科次諸學士課作則出而用之而已及南衮主文別作一大硯如玉堂所藏者而置諸家及遽文衡傳于李荇至今為例

衡園故事

尹根壽曰嘉靖庚申洪贊成還懇辭大提學得請當出新大提學政院依故事嘉善以上文官牌招俱諸賓廳贊成因故例自舉其代薦禮判鄭惟吉知事尹春年同知李滉仍進相位前曰李某經術詞章實合此任奈堅卧林壑不出何余以注書持薦單自下而上就坐而請園至一宰則稟政丞曰人各圈一人余

意三人皆合請並圈之政丞許焉圈畢指詣領相尚
震前李滉十二點鄭惟吉十六點尹春年只五點領
相指春年名下曰此太少我宜圈之卽圈其名為六
點以首薦鄭惟吉拜大提學此平時故事亂後則主
文之出只招時相與六曹判書而會圈甚至以蔭官
判書偃然圈點人皆嗤之按國朝之有文衡自權近
卞季良始薦圈之規旣無可攷至是始有嘉善以上
會圈之事而宣廟以後則議政及政府東西壁六曹
長官會圈此卽近例也

年少文衡

宣祖二十四年主文缺李德馨與金誠一俱以通政被選圈點時右相沈守慶獨不圈點德馨曰李某年少在前豈有年三十一而為主文者乎吾欲其成就也德馨竟陞授大提學

大臣兼文衡

仁祖五年金瑬拜右議政特命仍帶文衡上劄辭免曰大提學例兼知成均館事知成均乃是二品秩也安有忝在相職而復兼二品者乎官方失序所關非細

大臣文衡主圈

七年張維特補羅州牧命召三公六卿政府東西壁
判尹會圍其代政院啓以大提學遠在任所曾經大
提學皆在大臣之位事異常規何以處之荅曰雖在
大臣之位議薦未為不可於是右議政金瑬以曾經
文任議薦鄭經世

文衡及提學座次相妨

十四年大提學缺議薦李植進秩為大提學藝文提
學趙翼以植資級在已下文書座次俱有所妨乞解
提學及同知館事事下吏曹吏曹覆奏曰大提學提
學無會坐之事請只通同知館事從之

破格授文衡議

十五年文衡缺前任張維謂相臣崔鳴吉曰宜請於朝以東陽尉申翊聖錦陽尉朴瀾等數人破格除授竟以非舊例而止

知申兼文衡

十九年李明漢以都承旨拜大提學以知申兼文衡曾無前例請遞本職吏曹啓以前例無可據李景奭曾帶藝文提學故都承旨下批時改直提學為提學今此大提學事係新規請上裁上特命仍帶

薦文衡疏

時議薦文衡前任李植上疏曰若以祖宗朝事揆之則昇平無事職官稀遷文衡之任非物故罪廢則雖至議政不許遞改臣先祖臣苻以領中樞府事猶帶文衡及至被竄之日並行削奪而金安老以吏判代之彼時前任之臣金勣申用溉南袞去世已久拜罷歲月具載可攷安有曾經者為之舉薦者哉況以事理推之文名高下時望通塞最易辨識廟堂寧有不察者乎若云非其先進而預加評品為可嫌則許多圈點之人豈盡原任文衡者乎孝宗元年文衡缺問議于前文衡金尚憲薦趙錫胤為大提學顯宗九年

文衡缺將議薦前任李景奭以原任大臣將主薦而
病命在家薦進景奭辭以不敢詣待漏院書進趙復
陽拜文衡

國舅兼文衡

肅宗即位初國舅金萬基以大提學陞拜領敦寧特
命仍帶文衡固辭乃遞

前望拜文衡之始

十三年文衡缺將議薦前任有故命入前望單子南
龍翼拜文衡

資憲仍帶副學

宣廟初柳希春以副提學陞資憲特命仍帶是後金
晬亦以資憲仍帶仁祖朝鄭經世以資憲長帶副提
學戊辰兼知義禁劄辭減下金吾辛未崔鳴吉甲戌
趙翼並以資憲仍帶

亞卿文衡賜謚之始

英宗辛酉吏判閔應洙啓曰大臣以從二品文衡賜
謚前例使之考出稟達而吏曹無可考之例考諸政
院日記則以從二品文衡身死者是鄭弘溟趙錫
胤兩人而稟請賜謚果如大臣所達矣仍為定式

宣醞玉堂

肅宗十七年上宣醢玉堂製下七言詩曰雪風如鉤
折綿寒金閣沈沈夜已闌忽憶登瀛傳御饌馐醉
飽侈恩懽以小序引之曰帷幄之臣職親地禁香舍
鷄舌講備顧問古人至此於登瀛洲可謂一時之極
選而自祖宗朝是禮之迫別不啻若家人父子矣卽
今寒事漸緊更鼓漸遲對天厨之珍羞而念禁直之
寂寥特賜御饌法醢兼題一絕以寓予意焉

玉署銀杯

英宗四十六年上與世孫臨玉署行夜對御識曰銀
杯故事既悉於銀臺御識中今何架疊其本雖曰玉

燈竟夕尋問未詳年月而欲繼述之意其何異乎前
有六燈故加賜二燈命懸本館伊日八直儒臣沈頤
之林鼎遠錫馬凡夜對只賜饌而是夜與冲子同食
雖有杯而不用意亦深也然昔年盛事何敢泯乎此
後於廟於殿於陵親祠時一位祭酒特賜政院玉署
用此杯而今飲仍賜御製有曰銀盃雖鑄玉燈未詳
古六今八臨觀夜對云

翰苑顯名錄

閔鎮遠翰苑顯名錄識曰史局國之所重而新薦又
史局之所重也自古居是職者於新薦一事必謹慎

而審擇焉故金駟孫在下番五年必得先正臣鄭汝
昌而後始行新薦云耳

藝文應教

李晬光曰藝文應教必以將主文者兼之金貴榮盧
守慎姜士弼李山海辛應時柳成龍許葑隨闕除授
自許葑後常缺而不補壬辰後李好閔外絕無兼帶
者蓋重其選也

翰苑古風

李晬光曰自高麗時最重翰林人望之若登瀛洲觀
於翰林別曲可想翰林宴至我朝濫觴尤甚近世乃

以古風為無謂四館舊規廢削殆盡噫古風亡而紀綱夷矣雖欲復古得乎

史官薦

李晬光曰史官必以薦授謂之祕薦在昔新薦時焚香告天其誓文末曰舉非其人天其殛之所以嚴重其事也壬辰亂離時史官不備竒自獻以翰林在行朝只薦一人而其人名望未著乃不用誓文而以辭跪告于天曰因亂乏人不得已脩薦云聞者大噱

宰臣書卒

李晬光曰史局於宰臣之沒必書其卒及其平生行

事之是非頃有一史官議以為此事重大須待諸史官齊會為之自後遂不書卒者今四十年許矣一時名臣行蹟未免泯沒是幾於無史矣惜哉

史官作閒任

閔仁伯曰國家設藝文館專掌起居注邇來史官專不事事卿大夫書卒乃斷人一生行事甚為關重而李滉之卒亦不書卒春秋館殿最時春秋館堂上出而繙閱則只是書陰晴而已了不識一事後世何據而為史乎

史草專委下官

李滉曰信史之失職以有曹司也史官多至八員者所以重史也所當各盡其職而今則諸員皆尸素而委置於下番一人所見不必皆正萬世傳信之書草草已甚可謂寒心

史官別兼春秋

仁祖二十年藝文館主薦無人命以曾經史職者別兼春秋使之應薦

史筆他人不敢用

翰林上下番之筆謂之史筆他人不敢用乃古例也肅宗丁卯上番尹星駿下番宋相琦同入晝講知經

廷金萬重論事忤旨即命拿鞠督令承旨捧傳旨而入侍注書崔重泰又被嚴旨罷出蓋承旨若直俸傳旨於榻前則取注書筆用之矣承旨俞命一以注書不在無他筆不得舉行之意仰對上命史官移給所持筆下番宋相琦啓以史筆不可移給又命上番筆移給修撰宋疇錫曰上下番何異乎校理南致重曰上番筆則似有間矣上連促之天威震疊命一取上番筆書傳旨時議少星駁之不能守職

大公史筆


英宗十四年上親臨史閣特書大公史筆四大字揭


于楣仍下教曰夫子儻經後有紫陽綱目又有資治通鑑而以司馬光之識見猶書諸葛亮入寇筆法果難矣今大臣諸臣諸史官入侍而偏黨以後筆法安保其無低仰乎唐太宗外未有人君取覽史冊者其公與不公有誰知之予特書四字揭于壁上乃欲大公其史筆


勤守古風

三十五年召見新文科出身顧謂史官曰昔予聞翰苑最重古風薦變而圜此亦寢褻予實惜焉爾其卽臺旁以行之予將親覩又命曾經內翰四五臣修明

先後進故事仍親書勤守古風四字裨揭之館中







林下華記

現